

## **Beipackzeedel**

*Jeder moß mol Pille schlucke  
Dokter „Helfreich's“ Medizinn,  
moß dä Beipackzeedel gucke,  
om de Wäirkung zo verstinn.*

*Wo - on wie die Pille helwe  
stieht owe an ierschter Stell -  
datt es jedesmo et selwe.  
Wat dann kimmt, es kriminell:*

*Newewärkunge, ganz dolle,  
mol en Deitsch, mol en Latein.  
Liß, datt gieht dä Schängel holle,  
besje Stütz moß wärklich sein.*

*Schang, dä gieht sein Brell flott soche,  
lest dann wat von „Suffienz“  
leider schwätzt ä nur zwai Sproche:  
Huhdeitsch, Platt, von Kowelenz.*

*„Loß die Newewärkung sause“  
säht dä Schang, „drauße es Mai -  
schluck dein Pill, dau moß noch hause“!  
Pletzlich zänken sich die Zwai.*

*Ainer nennt dä anner „Dabbes“  
ainer motzt, dä anner gieht,  
wäge dämm lateinisch „Kappes“  
dä em „Beipackzeedel“ stieht.*

*Katharina Schaaaf*

29. 5. 87 Kath. Schaaaf